

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO TRGOVINE, TURIZMA I SAOBRAĆAJA

Broj: 05/1-23-021895-4/25
Tuzla, 24.06.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), tačke V Programa o utrošku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj 02/1-23-3625/25 od 19.02.2025. godine i člana 8. Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25), ministar trgovine, turizma i saobraćaja (u daljem tekstu: ministar), donosi

ODLUKU

o utvrđivanju konačne liste o odobravanju finansijskih sredstava korisnicima s iznosima i namjenom - kapitalni transferi privatnim preduzećima i poduzetnicima

I

Odobrava se isplata finansijskih sredstava u vidu kapitalnih transfera privatnim preduzećima koja su kandidovala projekte po Javnom pozivu za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima koji je objavljen na web stranici Vlade Tuzlanskog kantona i Ministarstva trgovine, turizma i saobraćaja (u daljem tekstu: Ministarstvo) dana 28.03.2025. godine u iznosu od 49.996,54 KM i to kako slijedi:

Redni broj	Naziv pravnog lica (Korisnik sredstava)	Naziv projekta (Namjena sredstava)	Iznos odobrenih finansijskih sredstava
1	„Edo-slad“ d.o.o. Gračanica	Izgradnja i postavljanje DC punionice (punionica sa brzim punjačem) na parking prostoru TC Etna Gračanica.	25.000,00 KM
2	„Bingo“ d.o.o. Export-Import Tuzla	Izgradnja i postavljanje DC punionice (punionica sa brzim punjačem) na parking prostoru TC Bingo Živinice.	24.996,54 KM
UKUPNO:			49.996,54 KM

II

Sredstva iz tačke I ove odluke realizovat će se sa potrošačke jedinice 22010001, namjenska sredstva Ministarstva, ekonomski kod 615500- kapitalni transferi privatnim preduzećima i poduzetnicima (funkcija 0451).

III

- (1) Međusobna prava i obaveze između Ministarstva i korisnika sredstava bit će regulisani posebnim ugovorom.
- (2) U roku od 15 dana od dana donošenja ove odluke, Ministarstvo će zaključiti ugovore sa korisnicima sredstava iz tačke I ove odluke, kojim će regulisati međusobna prava, obaveze i odgovornosti.

IV

Za realizaciju ove odluke zadužuje se Ministarstvo finansija, koje će odobrena sredstva iz tačke I ove odluke prebaciti na račun korisnika sredstava, nakon što Ministarstvo dostavi zahtjev za plaćanje.

V

Odluka stupa na snagu danom donošenja i bit će objavljena na web stranici Vlade Tuzlanskog kantona i Ministarstva.

Dostaviti:

1 x Web stranica Vlade TK i Ministarstva

1 x a/a



MINISTAR

Almir Žilić, dipl.ecc

OBRAZLOŽENJE

Članom 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05) propisano je ovlaštenje ministra u rukovođenju ministarstvom.

Tačkom V Programa o utrošku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj 02/1-23-3625/25 od 19.02.2025. godine, regulisano je da će se sredstva raspoređivati u skladu sa odlukom o uslovima, kriterijima i postupku raspodjele sredstava koju donosi Vlada Kantona na prijedlog Ministarstva, po postupku javnog oglašavanja. Na osnovu donesenih kriterija, a nakon provedenog postupka, Ministarstvo donosi odluku o odobravanju finansijskih sredstava korisnicima sa iznosima i namjenom.

Vlada Tuzlanskog kantona je na prijedlog ministarstva donijela Odluku o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25).

Javni poziv za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima, objavljen je na web stranici Vlade Tuzlanskog kantona i Ministarstva trgovine, turizma i saobraćaja 28.03.2025. godine. Rok za dostavljanje prijava na javni poziv je bio 26.05.2025. godine do 15,00 sati.

Postupajući u skladu sa članom 4. Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima, Ministar je donio Rješenje, broj 05/1-23-021895/25 od 11.06.2025. godine, kojim je imenovana Komisija za ocjenu pristiglih prijava i raspodjelu sredstava po Javnom pozivu, sa zadatkom da razmotri prijave po javnom pozivu za dodjelu sredstava, utvrdi da li su ispunjeni uslovi i kriteriji utvrđeni Odlukom o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25) i sačini preliminarnu listu sa nazivom pravnog lica, nazivom projekta, vrijednosti projekta i iznosom dodijeljenih finansijskih sredstava. Komisija je obavezna sačiniti Izvještaj o radu sa prijedlogom Odluke o utvrđivanju konačne liste o odobravanju finansijskih sredstava korisnicima sa iznosima i namjenom i isti dostaviti ministru najkasnije do 15.07.2025. godine.

Komisije je prilikom pregleda i razmatranja prijava konstatovala sljedeće:

- da su po javnom pozivu pristigle dvije prijave,
- da su sve prijave blagovremene (prijave su dostavljene prije isteka krajnjeg roka za dostavljanje prijava - 26.05.2025. godine do 15,00 sati),
- da su sve prijave podnesene od strane pravnih lica koja se navode u tački 3. Javnog poziva (pravnih lica koja imaju pravo učešća na javnom pozivu) i
- da su sve prijave potpune (podnosioci prijava su dostavili svu dokumentaciju kojom se dokazuje ispunjavanje uslova iz tačke 5. Javnog poziva).

Nakon što je Komisija izvršila sve zadatke utvrđene Rješenjem o imenovanju Komisije, sačinjena je Preliminarna lista projekata po javnom pozivu za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima – 2025, broj 05/1-23-021895-2/25 od 12.06.2025. godine. Preliminarna lista je objavljena na web stranici Vlade Tuzlanskog kantona i Ministarstva 12.06.2025. godine, a aplikanti su imali pravo da u roku od pet dana od dana objavljivanja Preliminarne liste, Ministarstvu dostave prigovore na objavljenu listu. Na objavljenu Preliminarnu listu nije zaprimljen niti jedan prigovor.

Komisija je pristupila izradi prijedloga Odluke o utvrđivanju konačne liste o odobravanju finansijskih sredstava korisnicima s iznosima i namjenom - kapitalni transferi privatnim preduzećima i poduzetnicima (konačne liste) koju dostavljamo ministru na dalje postupanje.

Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Vlade Tuzlanskog kantona i Ministarstva.